

Sami Siida  
99980 Ohcejohka

*Dohkkehuvvon jahkečoahkkimis 8.4.2005.*

## Sámi Siida doaibmaplána 2005

### **Oppalaččat**

Sámi Siida joatká Ohcejoga guovllu sámiid sosiálalaš, vuoigatvuodalaš, kultuvralaš ja almmolaš ekonomálaš vuoigatvuodaid ovddidanbarggu nugo njuolggadusat geatnegahttet. Maiddái oktasašbargu rastá riikkaid rájá gullá searvvi bargui. Searvi addá cealkámušaid áiggeguovdilis áššiin ja joatká servviid oktasašbarggu ovddidemiin.

Muđui dáid ulbmiliid ollašuttimii searvi lea fidnen ruhtadeami mángga projektii. Maiddái diehtjuohkima buorideapmi gullá dán jagi bargui.

Čearddalaš iešdovddu olis searvi ordne álbmotbeaivvi doaluid ovtta Sirpmá giliservviin. Jahkečoahkkima dohkkehan doaibmaplána áigumušaid ollašuttin doibmet vuostas sajis searvvi stivra, čáli ja ruhtadoalli.

Searvvi doaimmaid lea váttis juohkit čielga joavkkuide. Mánggat doaimmat laktasit oktii, muhto dattege áigumušat leat doaibmaplánaš juhkon juoga bajilčállaga vuollái.

### **1. Sámeiguovllu ovttašbarggu fierpmádat**

Searvi lea lahtun Suoma sámi valástallanlihtus (oan. SVL-FI) ja Suoma sámiid guovddášsearvvis. SVL-FI stivrras Sámi Siiddas lea ovddasteaddji ja ulbmilin lea čadahišgoahtit sámi valástallan vugiid, mat čujuhit árbevirolaš stoahkamiidda.

Sámi Siida váldá oasi Suoma sámiid guovddášsearvvi bargui omd. álgagiid dahkamiin ja oassálastimiin čoahkkimiidda ja eará doaluide.

Ohcejoga sámesearvi Sámi Siida lea lahka Badje-Deanu Siidda, Deatnogátti sámesearvvi, Deanu sámiid searvvi ja Sirpmá gilisearvvi. Dáidda ja vejolaš eará servviide dollo jievddalaš oktavuoha ja fievrriduvvojit oktasaš doaimmat.

Sámiid álbmotbeaivi 6.2.2006 ordnejuvvo ovtta Sirpmá giliservviin.

Sámi Siida lea juo álbmotbeaivvi ásaheami rájes ordnen ávvodoaluid ja dat leat sajáiduvvan bures maiddái hámi dáfos guvlui. Beivái lávejit gullat kulturprográmma ja sámi mállásat.

### **2. Čilgenbargu ovttašbarggu fierpmádagas**

Searvi lea fidnen ruhtadeami sameiguovllu ovttašbarggu fierpmádaga čilgenbargui.

Dáde bahábut searvi ii bastán čadahit proševtta jagis 2004. Searvi ozai ja fidnii Sámedikki kulturlávdegottis lobi čadahit proševtta jagis 2005.

### **3. Meahcsetuvra Vuogojávrái**

Geasset 2005 lágiduvvo meahcsetuvra moattilogi olbmui. Ulbmilin lea fitnat Vuogojávrra guovllus ja oahpásmuvvat báikkiide, guovllu meahccái, báikenamaide ja historjái sihke filbmet reaissu. Sámediggi lea juolludan 1000 € projektii.

**4. Boares govva projekta**

Ulbmilin lea čohkket boares govaid ja čájehit daid Ohcejogas ja Sirpmás. Barggu várás bálkáhuvvo bargi, gii čohkke govaid. Govvavuorká árvaluvvo Sámemusea háldui. Ruhtadárbu oktiibuot 4500 €, Sámiráđđi lea juolludan 1000 €

**5. Video sámebiktasiid geavaheamis**

Ulbmilin lea ráhkadit video sámebiktasiid geavaheamis ovttas skuvlaoahppiiguin. Čuozahtjoavku lea nuorat ja mielde bovdejuvvojit áššedovdit. Sámediggi lea juolludan 2000 €.

**6. Hálddahus ja diehtjuohkin**

Stivrra čoahkkana dárbbu mielde. Njuolggadusaid mielde jahkečoahkkin dollo oktii jagis. Searvi ordne háleštallamiid, deaivvadeamiid ja oassálastá muđui servvodatdoaimmaide ja čoahkkimiidda.

Searvvi doibmii gullá maid oktasašbargu eará servviiguin ja eará servvodatdoaimmiiguin.

Searvi buorida diehtjuohkima nu ahte Same-net geavahuvvo beaktilabbot. Maiddái searvebláđđi lea plánain goit boahhtevuodas.

Dán doibmii lea ohccojuvvon 4000 € doartja Sámedikkis ja fidnejuvvon 3000 €.